

題目：白目狗仔 「臺語」 吳怡萱

阮兜的狗仔真白目
看著啥就咬啥
看著輪仔咬輪仔
看著鞋仔咬鞋仔
咬烏鼠放佇門口埕
害我驚甲必必掣
咬雨傘咬甲爛糊糊
害阿爸淋甲澹漉漉
實在真白目
毋過
伊會幫阮抓歹人
陪我佇厝耍跤球
是我的好朋友

【詞語註釋】

白目 (調皮)
阮兜 (我家)
烏鼠 (老鼠)
佇 (在)
門口埕 (前庭)
驚甲必必掣 (嚇得發抖)
澹漉漉 (溼答答)
毋過 (不過)
歹人 (壞人)
佇厝 (在家)
耍跤球 (玩足球)